

Mallo tres excellent & renommé pilote, tant pour le maintien de cette habitude, que pour y trouuer passage en la mer du Sud; lequel y fut fort heureusement reçu; puis sa Maieité de pescha en qualité de Viceroy l'an 1540. le sieur de Robertual; dont nous auons parlé cy-dessus avec vn ample pouuoir & commission pour tout le grand continent de Canada; mais en effect pour s'assurer aussi de la Floride.

Après soubz Henry II. & Charles IX. les Sieurs de Villegaion, Laudonniere Albert, & le Capitaine Ribaut de Dieppe y furent enuoyez les vns apres les autres, lesquels à payde de ceux du pays firent plusieurs fois mainbasse des Espagnols, ainsi qu'ils auoient fait des François.

Ils y firent bastir les forts de la Caroline, & d'Orleans, nommerent le Cap des François & y firent plusieurs forteresses bastimens & habitudes, dont ayant long temps demeuré Maistres, Philippes II. Roy d'Espagne extrêmement ialoux de ce voisinage & habitude, y renuoya au preiudice des traittez d'entre le Roy & luy vn grand embarquement d'Espagnols durant la minorité du Roy Charles IX. qui y exercerent la plus horrible cruauté sur les François, dont on oyt iamais parler, n'ayant pardonné à l'age ny au Sexe, tant de Femmes qu'enfans qu'ils portojent mourans cruellement au bout de leurs picques, & halbardes, & en chargeoient tous les arbres proches de leur habitation: & apres auoir pris soubz leur foy le braue & vaillant Capitaine Ribaut, le firent mourir à sang froid, contre leur parolle, par des supplices & cruautéz plus que barbares & inhumaines, puis luy escorchierent toute la peau de la face & de la teste, & l'enuoyerent en desfrision comme vn masque, tant aux Indes Occidentales où il estoit redoutté, que depuis au Cabinet de sa Majesté Catholique ayant promis de grands deniers pour rescompense a ceux qui le pourroient prendre mort ou vif, dont le Roy offensé s'en'estant tint par